



CONCELLO DE ZAS



TORRES DO ALLO



Deputación  
DA CORUÑA

## “CONCURSO DE FOTOGRAFÍA MÓBIL-ENFOQUES DO ALLO” IV EDICIÓN BASES

O Concello de Zas, dende a Concellaría de Cultura, xunto coa Deputación da Coruña, organiza a IV Edición do “CONCURSO DE FOTOGRAFÍA MÓBIL-ENFOQUES DO ALLO”. O obxectivo deste concurso é a promoción e difusión do monumento histórico-artístico de *Torres do Allo* e a súa contorna entre as persoas usuarias das redes sociais Facebook e Instagram.

### BASES DO CONCURSO

1. Poderán participar no presente concurso calquera persoa física que durante o período de validez da presente campaña participe na acción segundo se propón nos termos descritos nestas bases.
2. A participación no concurso é gratuíta e non require inscrición.
3. O período de recepción de fotografías vai dende o día 15 de xullo de 2020 ata o 31 de agosto de 2020, ambos inclusive.
4. Para que unha fotografía entre no concurso debe seguir os seguintes pasos:
  - a. Facer unha foto, interior ou exterior, do monumento Torres do Allo e/ou da súa contorna. Enviala ao enderezo **enfoques@torresdoallo.gal**, xunto cos seus datos de contacto: nome e teléfono.
  - b. A fotografía dixital non pode exceder os 9.9 Mb de tamaño.
5. Aquelas persoas que non realicen tódolos pasos obrigatorios ou o fagan de forma errónea, a criterio da organización, non poderán optar ao premio na presente convocatoria.
6. As persoas participantes poderán enviar tantas fotos como desexen, aínda que non se terá en conta a cantidade das mesmas, senón a calidade de cada unha delas, de xeito individual.
7. Unha vez finalizado o prazo de presentación de fotos, a organización fará unha selección das 10 mellores fotografías. Para a súa elección valorárase, entre outras características: calidade, creatividade, orixinalidade, estética, valorando especialmente o ter potenciado os valores patrimoniais históricos, artísticos e/ou etnográficos de Torres do Allo e da súa contorna. Estas dez instantáneas subiranse ás redes sociais oficiais de Torres do Allo (Facebook e Instagram) e aquelas que obteñan un maior número de "gústame" no prazo indicado, máis adiante nestas bases, serán as fotografías gañadoras do concurso, co 1º, 2º e 3º posto en relación correlativa ao número de "gústame".
8. O Concello de Zas e a organización do concurso resérvanse o dereito de anular o

presente concurso ou suspendelo, ou ben cambiar algunhas das súas condicións se por causas técnicas ou de calquera outra natureza allea á súa vontade non puidera cumprir co normal desenvolvemento do mesmo, segundo o establecido nas presentes bases.

9. As persoas concursantes ceden os dereitos de imaxe das súas fotografías para que o Concello de Zas poida usalas para promover, por calquera medio de comunicación, o turismo, o patrimonio e a cultura do concello.
10. A participación no concurso implica a total aceptación das presentes bases e das posibles decisións que adopte a organización.

## **PREMIOS**

11. Os premios son os seguintes:
  - 1º Premio: premio en metálico de 100€.
  - 2º Premio: premio en metálico de 75€.
  - 3º Premio: premio en metálico de 50€.
12. As fotografías finalistas serán seleccionadas nun prazo de 10 días despois do remate do concurso e anunciaranse a través das redes sociais de *Torres do Allo*, Facebook e Instagram, despois do 10 de setembro de 2020, polo que se recomenda seguir as contas regularmente.
13. Establécese o prazo de entre o 11 de setembro á hora de publicación e o 30 de setembro ás 00.00 como período no que se poden realizar interaccións "gústame" no Facebook e Instagram oficiais de *Torres do Allo*. Rematado este prazo, resultarán gañadoras as fotografías que obtiveran un maior número de "gústame".
14. A organización porase en contacto coas persoas gañadoras a través do nº teléfono facilitado unha vez rematado o prazo de votación.
15. Os premios serán entregados nun acto oficial no Concello de Zas. Serán debidamente notificado ás persoas gañadoras así como ao xurado.
16. Nos seguintes 15 días á finalización do concurso, crearase un álbum na páxina de Facebook *Torres do Allo* cunha selección das fotos recibidas incluídas as gañadoras.

## **PROTECCIÓN DE DATOS PERSOAIS**

17. As persoas participantes aceptan, mediante a súa participación no concurso, que os contidos e comentarios que vaian ser publicados en Facebook e Instagram poidan ser compartidos co resto de usuarios de Facebook e doutras redes sociais.
18. Non é necesario rexistro previo en ningunha aplicación, nin o Concello de Zas vai recoller ningún dato da inscrición posto que a participación é pública e gratuíta. Excepto no caso dos gañadores, que para a entrega dos premios se recollerán os seus datos persoais.

## **RESPONSABILIDADES**

19. A organización resérvase o dereito de denunciar e/ou pedir a eliminación da fotografía, se algunha imaxe vulnera dereitos persoais, resulta ofensiva ou discriminatoria.
20. A organización resérvase o dereito de denunciar e/ou pedir a eliminación de

- calquera comentario, se algún deles vulnera dereitos persoais, resulta ofensivo ou discriminatorio.
21. A organización resérvase o dereito de anular calquera participación ou a calquera participante, se se teñen sospeitas dunha manipulación incorrecta dos datos ou do concurso.
  22. A organización resérvase o dereito de rexeitar ou excluír da participación do concurso a calquera participante que non reúna os requisitos descritos nas presentes bases e os seus termos de participación ou contraveña as normas ou finalidade do concurso.
  23. A organización non se responsabiliza das posibles perdas de datos por problemas e/ou mal funcionamento das redes sociais ou da internet. Ademais a organización exclúe calquera responsabilidade polos danos e prexuízos de toda natureza que, a pesares das medidas de seguridade adoptadas, puideran deberse á utilización indebida dos servizos e dos contidos por parte dos usuarios/as, e, en particular, aínda que non de forma exclusiva, polos danos e prexuízos de toda natureza que poidan deberse á suplantación de personalidade dun/unha terceiro/a efectuada por un/unha usuario/a en calquera clase de comunicación realizada a través do portal.
  24. Igualmente, a organización exclúe toda responsabilidade polos danos e prexuízos de calquera natureza que puidera deberse ao uso indebido, manipulación ou mutilación que os usuarios/as ou terceiros/as non autorizados/as puideran realizar ao respecto do contido xeral da presente páxina, así como da vulneración dos dereitos da propiedade intelectual que puidera producirse.

*En Zas, 10 de xullo de 2020*

*Concello de Zas*